



Broj: 10/E-11-2584/25

Sarajevo, ~~22-05-2025~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke mobilne pumpe za vodu Službi za zaštitu od požara, formiranoj pri DVD „Bjelave“, putem otvorenog postupka, uz primjenu e-aukcije (Zapisnik o pregledu i ocjeni ponuda broj: 10/E-11-2584/25 od 13.5.2025. godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **„FINANC“ d.o.o. Mostar**, ID broj: 4227140660000, ulica Augusta Šenoae br. 16, 88000 Mostar, ponuda broj: 24-04-01/25 od 24.04.2025. godine za nabavku mobilne pumpe za vodu Službi za zaštitu od požara, formiranoj pri DVD „Bjelave“, putem otvorenog postupka, uz primjenu e-aukcije, sa cijenom u ukupnom iznosu od **55.500,00 KM bez PDV-a, odnosno 64.935,00 KM sa PDV-om.**
- II.** Ugovorni organ će sa izabranim ponuđačem zaključiti ugovor kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Izabrani ponuđač je dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa. (originalne ili ovjerene kopije).
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke mobilne pumpe za vodu Službi za zaštitu od požara, formiranoj pri DVD „Bjelave“, pokrenut je Odlukom Općinskog načelnika o pokretanju postupka javne nabavke putem otvorenog postupka, uz primjenu e-aukcije broj: 10/E-11-2584/25 od 03.04.2025. godine. Predmetna nabavka nije podijeljena na LOT-ove iz razloga što ista čini nedjeljvu cjelinu. Na Portalu javnih nabavki je objavljeno Obavještenje o nabavci broj: 848-1-1-35-3-98/25 od 15.4.2025. godine. Procijenjena vrijednost javne nabavke iznosi 55.555,00 KM bez PDV-a.

U krajnjem roku za predaju ponuda koji određen tenderskom dokumentacijom (do 08.05.2025. godine do 11,00 sati), na adresu ugovornog organa zaprimljene su dvije ponude i to ponude ponuđača „FINANC“ d.o.o. Mostar i „PASTOR M“ d.o.o. Mostar.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena urednost i blagovremenost dostave, pročitane su cijene ponuda kao kriterij „najniža cijena“, kako slijedi:

RB	Ponudač	Ukupna cijena bez PDV-a (KM)	Popust	Ukupna cijena bez PDV-a i popustom (KM)
1.	"FINANC" d.o.o. Mostar	55.500,00	-	55.500,00
2.	"PASTOR" d.o.o. Mostar	55.550,00	-	55.550,00

Nakon izvršenog javnog otvaranja ponuda, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima. Komisija III je jednoglasno konstatovala da dostavljena ponuda ponuđača „FINANC“ d.o.o. Mostar ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Pregledom i detaljnom analizom ponuda, te uvidom u dostavljene tehničke karakteristike – kompleta pumpe velikog kapaciteta sam pratećom opremom (Aneks 2a.) Komisija III je evidentirala da ponuđač „PASTOR M“ d.o.o. Mostar nije dostavio tražene kataloge sa prospektom dokumentacijom i specifikacijom za: paket usisnih cijevi, kolica na točkovima za prevoz pumpi, auto prikolicu za prevoz opreme sa ravnom ceradom i za prikolicu za čamac. U tenderskoj dokumentaciji poglavlje 7.3. TEHNIČKA I PROFESIONALNA SPOSOBNOST, tačka 7.3.2. za ispunjavanje uslova iz tačke 7.3.1. ponuđač je dužan u ponudi dostaviti, pod alineom b) „Katalog sa prospektom dokumentacijom i slikama ponuđenog kompleta mobilne pumpe sa jasno naznačenim svim oznakama komponenti istog koje se nude iz kojih se jasno vidi da sva ponuđena oprema zadovoljava tražene karakteristike“. Nedostaci su uočeni u ponuđenoj vatrogasnoj cijevi koja je u suprotnosti sa traženim tehničkim karakteristikama tenderske dokumentacije za predmetnu javnu nabavku i to: otpornost na hladnoću do -35°C (tražena teh. karakteristika je -40°C, str. 21), količina isporuke pumpe za otpadnu vodu data je svom maksimalnom kapacitetu od 2050 L/min (tražena teh. karakteristika je min. 2500 L/min), data maksimalna snaga 8.7 kW (tražena teh. karakteristika je 6.5 kW), data težina pumpe 79.5kg (tražena teh. karakteristika je 75kg).

Na osnovu izloženog, Komisija III je konstatovala da ponuđač nije dostavio, odnosno ispunio tražene tehničke karakteristike kompleta pumpe velikog kapaciteta sa pratećom opremom (Aneks 2a.) u skladu sa zahtjevom iz tenderske dokumentacije, te da je ponuda nepravilna prema članu 2. stav (1) tačka I) alineja 3) Zakona o javnim nabavkama („Službeni glasnik BiH“, broj 39/14, 59/22 i 50/24).

Članom 57. stav (1) Zakona o javnim nabavkama propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

U skladu sa utvrđenim činjenicama Komisija III je jednoglasno zaključila da se ponuda ponuđača „PASTOR M“ d.o.o. Mostar odbaci shodno članu 68. stav (4) tačka i) Zakona o javnim nabavkama.

Članom 68. stav (4) tačka i) Zakona o javnim nabavkama zakonodavac je propisao da je ugovorni organ dužan odbaciti zahtjev za učešće ili ponudu u slučaju kada ponuda nije potpuna i ne ispunjava zahtjeve iz tenderske dokumentacije. Komisija III konstatuje da je postupak javne nabavke strogo formalan postupak, koji ima za cilj da se javna sredstva koriste na najefikasniji način. Pri tome obaveza ugovornog organa je da omogući jednak tretman svim učesnicima postupka, bez bilo kakve diskriminacije svakog od njih. U skladu sa članom 3. Zakona o javnim nabavkama BiH ugovorni organ je dužan da poduzima sve potrebne mjere kako bi se osigurala pravična i aktivna konkurencija među ponuđačim uz ostvarivanje jednakog tretmana, nediskriminacije i transparentnosti, što u konačnici podrazumijeva primjenu istih uslova za sve učesnike u postupku javne nabavke. Načelo jednakog tretmana i nediskriminacije ugovorni organ treba poštovati tokom cijelog procesa nabavke. U konkretnom slučaju, prihvatanjem ponude odnosno obrasca za cijenu ponude u kojem nisu sadržani svi podaci o cijenama za tražene stavke, ne bi se mogli ispoštovati opći principi javne nabavke, bez obzira na prirodu i složenost propusta. Detaljnom računskom provjerom ispravnosti prihvatljive ponude „FINANC“ d.o.o. Mostar, Komisija III je utvrdila da je ponuda računski ispravna.

Primjenom utvrđenog kriterija za dodjelu ugovora „najniža cijena“, u skladu sa članom 64. stav (1) tačka b) Zakona o javnim nabavkama, Komisija III je konstatovala sljedeće:

KRITERIJ ZA BODOVANJE „najniža cijena“	„FINANC“ d.o.o. Mostar
Cijena 100%	55.500,00

Imajući u vidu da je tenderskom dokumentacijom za predmetnu nabavku predviđena e-aukcija, te da je Komisija III ocijenila da je prihvatljiva samo jedna ponuda, e-aukcija nije zakazana u skladu sa članom 4. stav (2) Pravilnika o uslovima i načinu korištenja e-aukcije („Službene novine BiH“, broj 80/23).

Na osnovu izvršene analize ponude, utvrđeno je da je ponuđač "FINANC" d.o.o. Mostar dostavio najpovoljniju ponudu za nabavku mobilne pumpe za vodu Službi za zaštitu od požara, formiranoj pri DVD „Bjelave“.

Shodno svemu naprijed izloženom, Komisija III je jednoglasno donijela odluku da se Opštinskom načelniku dostavi

PREPORUKA O PRIHVATANJU PONUDE

ponuđača **"FINANC" d.o.o. Mostar**, ulica Augusta Šenoe br. 16, 88000 Mostar, ponuda broj: 24-04-01/25 od 24.04.2025. godine za nabavku mobilne pumpe za vodu Službi za zaštitu od požara, formiranoj pri DVD „Bjelave“, putem otvorenog postupka, uz primjenu e-aukcije sa cijenom u ukupnom iznosu od **55.500,00 KM bez PDV-a**, odnosno **64.935,00 KM sa PDV-om**.

Opštinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).
Naknada za pokretanje žalbenog postupka iznosi 1.200,00 KM u skladu sa članom 108. stav (1) tačka b) Zakona o javnim nabavkama.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, koji ne može biti manji od 3 (tri).

Prilog: Zapisnik o pregledu i ocjeni ponuda
broj: 10/E-11-2584/25 od 13.5.2025. godine



Dostaviti:

1. "FINANC" d.o.o. Mostar
Ulica Augusta Šenoe br. 16, 88000 Mostar
2. "PASTOR M" d.o.o. Mostar
Ulica Put za Aluminij bb Rodoč,, 88000 Mostar
3. Kabinetu općinskog načelnika – Odsjek za javne nabavke
4. Službi za civilnu zaštitu
5. Službi za finansije
6. U spis